



«ҚАЗІРГІ КЕЗДЕГІ ЖАҢАРТЫЛҒАН БІЛІМ БЕРУ БАҒДАРЛАМАСЫНЫҢ МАҢЫЗДЫЛЫҒЫ» атты әдістемелік семинар өтті

Қазіргі кездегі жаңа технологиялық әдіс-тәсілдерді пайдалану білім сапасын арттырудың бірден-бір жолы.

«Халық пен халықты, адам мен адамды теңестіретін нәрсе – білім» деп ұлы жазушы М.Әуезов айтқандай тәуелсіздік туын тіккен елімізді өркениетке апарар жолдың бастауы – мектеп. Сол алтын ұяда оқушыға сапалы білім, саналы тәрбие берумен қатар, заман талабына сай білімді, нарық заманында бәсекеге түсе алатын, өзінің білім деңгейі мен кәсіби шеберлігін көрсете алатын адал азамат тәрбиелеу басты міндетіміз. Елбасымыз Н.Ә.Назарбаев «Мемлекетіміздің ең басты дүниесі тек қана табиғи байлық емес, сонымен қатар жасөспірім ұрпағы, өйткені олар – біздің ұлтымыздың болашақ айнасы» – дегені мәлім. Демек, жас ұрпаққа білімді жан-жақты беру, мектептен бастап оқушылардың сыни тұрғыдан ойлау қабілеттерін дамыту негізінде білім беру болып табылады.

Осыған орай, Ы.Алтынсарин атындағы Арқалық мемлекеттік педагогикалық институты,

Тарих және өнер факультеті, Қазақстан тарихы, құқық және экономика негіздері кафедрасының ұйымдастыруымен «Жаңартылған білім беру бағдарламасы» тақырыбында қала мектептеріндегі тарих пәні мұғалімдерінің және «Тарих» мамандығы студенттерінің қатысуымен әдістемелік семинар болып өтті. Әдістемелік семинардың мақсаты: заманауи сандық білім беру үрдісінде білім алушыларға пәнге деген қызығушылықтарын арттыру мақсатында жаңартылған білім беру бағдарламасының мазмұны мен ерекшеліктерін баяндау, талқылау. Семинарға Арқалық қаласының Ш.Уәлиханов атындағы №1 орта мектебінің мұғалімі Бикенова Шынар Хамитовна «Жаңартылған білім беру бағдарламасының ерекшеліктері», А.Құнанбаев атындағы №6 орта мектебінің мұғалімі Карашинова Алмагуль Серикбаевна «Тарих пәні бойынша бағалауға арналған тапсырма түрлері», Ш.Уәлиханов атындағы №1 орта мектебінің мұғалімі Кошанова Гүлнұр Бейсенбековна «Жаңартылған білім беру бағдарлама бойынша бағалауға арналған тапсырмаларды әзірлеу және

сараптау», №4 орта мектебінің тарих пәні мұғалімі Бекентаев Сұңғат Жұмабекұлы «Критериалды бағалау – оқу сапасын арттырудың тиімді жолдары», №10 орта мектебінің ғылыми-әдістемелік жұмыстар жөніндегі орынбасары, тарих және география пәндерінің жоғары саттаты мұғалімі Карашинов Батырхан Серікбайұлы «Жаңартылған білім – болашақтың кепілі», Б.Майлин атындағы №3 орта мектебінің мұғалімі Қожықов Жанатбек Тургинбекович «Жаңартылған білім беру мазмұнындағы Қазақстан тарихы пәнін оқытудың маңыздылығы», №10 орта мектебінің мұғалімі Бекетов Сүйінбай Арынғазыұлы «Тарих пәніндегі жаңартылған білім мазмұны бағдарламасының ерекшеліктері» тақырыптарында баяндама жасап, студенттердің қойған сұрақтарына жауап берді.

Семинарға қатысушылар институт ректорының Алғыс хатымен марапаттады және ұйымдастырушыларға алғыстарын айтты.

Роза ОРАЗБЕКОВА,
Ы.Алтынсарин атындағы
Арқалық мемлекеттік педагогикалық институтының аға оқытушысы, тарих магистрі